



9(47.925)1

347.925

6-16

1908-1909 1 1907 9.

✓

ՍՄՐԱՑ ՇԱՀԱԳԻԳԵԱՆ

Մ Ի Ք Ա Ն Ի Խ Օ Ս Ք

ԻՄ ԸՆԹԵՐՑՈՂՆԵՐԻՆ


Արժուն կացե՛ք. ուր չկայ լեզու և
զրահանութիւն, մեռած կեանքի լարու-
թիւն էլ չի կարող լինել!

(Եր. 63)

10548

67112

A 34032



Մ Ո Ս Կ Ո Ւ Ա.

Տ Պ Ա Ր Ա Ն Թ. Բ Ա Ր Խ Ո Ւ Ի Դ Ա Ր Ե Ա Ն Ց Ի.

1908.

60542

ՄԻ ՔԱՆԻ ԽՕՍՔ

ԻՄ ԸՆԹԵՐՑՈՂՆԵՐԻՆ

Մ Ի Ք Ա Ն Ի Խ Օ Ս Ք

Ի Մ Ը Ն Թ Ե Ր Ց Ո Ղ Ն Ե Ր Ի Ն

Պ. Ի.

Պատմութիւնից յայտնի է, որ եթէ այս և այն ազգի անտեսական և միւս կուլտուրական աղբիւրները սկսում են ցամաքել, հետեարար նրանց զօրծիւններն էլ ներկայանում են ինչպէս «լէւալէ, լւ-ձէալէ և անբաժալւ-ձէալէ»¹⁾ — այն ժամանակ ազգերին անխուսափելի մահ է վրայ հասնում: Բայց ազգերի մահը, մանաւանդ փոքր ազգերի, միշտ էլ չի հետեւում բնական օրէնքին. այդպիսի ազգը, առաջ ենթարկուելով զօրաւորի շարունակ հարուածներին, ապա կորչում է միայն իւր ինքնուրոյն կացութիւնը: Բայց որովհետեւ այդպիսի ազգը զեռ կենդանի է հոգով ու մարմնով, անզաղար փորձ է փորձում նորից ձեռք բերել անկախ կեանք: Մենք հին օրինակ-

¹⁾ «Նրեսի վերայ բնկած, ջլատուած ու քայքայուած». Ղ. Փ.:

ներից առնենք միայն մինը, — այն, որ մօտ է մեր սրտին: Յայանի է, որ Վարդանանց նահատակութիւնից յետոյ թէպէտ Պարսիկները յաղթեցին ու նուաճեցին հայերին, բայց նրանց մէջ չհանդաւ ազատութեան շունչը, որը, այն ժամանակից սկսած, մօխրի տակ ծածկուած խանձողի պէս երկար ողևորել է ազգի ընտրեալներին: Սյսպէս Վարդանի եղբորորդին, Վահան Մամիկոնեան, շարունակեց Վարդանանց գործը և, Բուրերի Դէպէտ ու Բօտա գորավարների պէս ձիւղ կռիւներ մղելով ու հարիւրներով Պարսիկների հաղարները ջարդելով, վերջ ի վերջոյ նրանց Վաղարշ թագաւորին ստիպեց խաղաղութիւն հաստատել և իւր պահանջած արածնութիւնները ստանալ: Սյստեղ խիստ հետաքրքրելի կ'լինի ընթերցողին ծանօթացնելու այն հանգամանքի հետ, թէ Վահան ինչ եղանակով կարողացաւ ձեռք բերել այդ արածնութիւնները:

Վաղարշ թագաւորը հարցնում է իւր Միհրան գորավարին, թէ ինչ կասես հայոց գործի մասին. ինչ առաջացրիք այնտեղ, հայոց աշխարհում?

Միհրանը պատասխանում է. էլ մի հարցնիլ, թագաւոր, թէ ինչ բերաւ մեր զլիին Վահան: Հաւատալու բան չէ, թէ ասեմ, որ Վահան մի օր մի քանի հարիւր մարդով, աներկիւղ յարձակուելով մեր երեք հազարի

վերայ, բոլոր զօրքը ջարդ ու փշուր արաւ, մշակների պէս լաւ սրած մանգաղով ու զերանդով բոլորին հնձեցին և խուրձ-խուրձ միմեանց հետ դարսեցին: Ասելի զարմանալին այն էր, որ երբ վրայ հասաւ մի մեծ զօրախումբ մեր կողմից, նրանք ձիանը էլ յետ չքշեցին և ոչ էլ փախան, այլ հէնց մեր թեկին կպած, երկար ժամանակ կից, դնում էին մեզ հետ և ոչ ոք չհամարձակուեց մեզանից անդամ մտիկ անել նրանց երեսին: Երբ որ Վահանին հարցրին թէ զու ինչպէս էիր յանդդնում մի քանի հոգով այնքան բազմութեան դէմ դուրս գալ, նա ի միջի այլոց ասաց. «Պարսիկների Պերոզ թագաւորը (Վաղարշի մեծ եղբայրը) միշտ և հանապազականջ դնելով օջաղից փախած հայերի խօսքին, որոնք զետին էլ չէին մտնում և հաւատացնում էին, որ հայերը անպիտան ազգ են և կռուի ժամանակ վախլուկ, թագաւորն էլ անգազար կրկնում էր նրանց սուտումուտ խօսքերը: Բայց որ իսկ հայն էր և սրտումը ամօթ կար, այդպիսի նախատինք լսելով, ոչ թէ միանգամ պիտի մեռնէր, այլ թէ տասն անգամ էլ նորից կենար, տասն անգամն էլ նորից պիտի մեռնէր: Մենք էլ մտածեցինք, որ եթէ Պարսիկների շատութիւնից զարհուրենք և թաքուն փախուտ տանք, անտարակոյս, կ'հաստատուի մեր մասին ասածը: Մենք էլ վճռեցինք առաջ

ցոյց տալ թէ ովքեր ենք և յետոյ ազգուստեանով կորչել»։ Միհրանին շատ դուր եկաւ այս լուրջ և գեղեցիկ տրամաբանութիւնը և խորհուրդ տուաւ Վաղարշին հաշտուել Վահանի հետ։ Վահանն էլ, խորհրդակցելով իւր համախոհների հետ, համարձակ առաջարկեց այս երեք պայմանը.

1) «Առաջին խնդիրը այն է, որ մեր լեզուին ու կրօնին ձեռ չտաք և ոչ մի հայ մարդ մոգ չընէք և ոչ էլ մի ուրացող հայի պատուի ու մեծութեան չհասցնէք, որովհետև զրանցից իշխան նշանակելով հայաստանի վերայ, մի որ, գալիս են անբարոյականացնում ժողովուրդը, նրանց մէջ խաւար տարածելով և մտքի ու զիտութեան արդիւնքը արհամարհելով. և երկրորդ, եթէ մի աշխարհի կառավարչը անպիտան է, այն աշխարհին անկարելի է առաջադէմ և անուանի լինել»։

Այս պայմանով Վահան զլիսաւորաբար շեշտում է այն դատասպարտելի հաւատափոխութիւնը, որ գող և գաղտաշուրջ հայերից շատերը յանձն էին առնում և որը Պարսիկների կողմից համարվում էր առաքինութիւն։ Այդ իբր թէ հողու փրկութիւն որոնողներին, բայց խկապէս երկինք ու երկիր մրոտողներին մենք այսօր էլ ասում ենք, որ հողու փրկութեան համար ոչ թէ հարկաւոր է հաւատը փոխել

այլ իրանց գաւաճան բարքը ու փարիսական զիմակը:

2) «Մարդուս արարմունքի վերայ չ'պիտի իշխանի (չ'ինովնիկի) աչքով նայել, այլ իրաւունքով ու արդարութեամբ ճանաչել լաւն ու վատը. վարձատրել միայն վաստակաւորներին և անվարձ թողնել անվաստակին: Գատաժարութեան միջոցին էլ պէտք է իմաստուն մարդկանց հետ խորհրդակցել, իսկ յիմարներին մօտ էլ չ'թողնել և միանգամայն դուրս քշել դատարանից: Եւ երբ որ, ասում է Վահան, այսպէս կ'լինի, այն ժամանակ աշխարհի զործերն էլ աջող կերթան, ապա թէ ոչ, բոլոր աշխարհը տակն ու վրայ կ'լինի և խառն ի խառն ընթացք կստանայ, ինչպէս և շարունակվում են մինչև այսօր»:

Ինչպէս հրեում է, պարսկական խորհրդարանները ու բարձր պետական հաստատութիւնները լիքն են եղել ձրիակերների Ֆավօրիտներով, որոնց աչքումը կաշառքն է «հապարտման օրինաց և մարգարէից»: Երևի, այն ժամանակն էլ զոյութիւն է ունեցել բառս «հովանա-որէլ» — միայն հովանաւորել եղբօրորդի, քուերորդի և ամենատեսակ որդի անարժաններին, իսկ արժանաւորներին յետ քաշել, որովհետև սրանք, զործին ծառայելով, ուրիշների պէս ընդունակ չեն մեծաւորի փէշերը համբուրել!

3) «Մենք ցանկանում ենք, որ Արիւնների աւերը և մեր աշխարհի թագաւորը ամեն բան ինքը իւր աչքով տեսնի և իւր ականջով լսի ու ուրիշների խօսքով վճիռ չապ, որովհետեւ ծառայողները սուտ զեկուցումներ անելով թագաւորին, անիրաւ հրամաններ են հանում նրանից և այդպէս պղծում օրէնքի սրբութիւնը: Այնուհետեւ ոչ մի հաւատարիմ հպատակ կամ բնակիչ չի կարող իւր կեանքը ու գոյքը ապահով համարել. ամեն կողմից երկիւղ, ամեն կողմից յափշտակութիւն և աշխարհը քանդուքար! Բայց եթէ թագաւորը ինքը անմիջապէս անօրինէ իւր ծառաների զործերը, այն ժամանակ նրանք, նորից կենդանացած, էլ չեն կշտանալ աշխատելուց, միշտ պէպի բարին զործելով, կ'փառաւորուեն թագաւորի հետ միասին»:

Մի այսպիսի հեռատես և աշխարհաչէն մարդ էր Վահան, որ մեր օրերին էլ կարող էր վարչական մեծ հանձար համարուել, որտեղ էլ որ աշխարհումն էլ լինէր նա! Վաղարշ թագաւորը, որովհետեւ շրջանկատ և բարեսէր մարդ էր, Վահանի բոլոր պահանջները կատարեց, ինչպէս վերը ասացինք:

ԳԼ. ԻԻ.

Այստեղ ես պիտի կանգ առնեմ մի քանի բնորոշ գծերով արտայայտելու Վահանի և առհասարակ Մամիկոնեան տոհմի նշանակութիւնը, որ այնքան ազնիւ զեր կն խաղացել մեր անցած կեանքում: Չեմ կարծում, որ եթէ խօսքս մի փոքր ընդարձակեմ, ձանձրութիւն կ'պատճառէի ընթերցողներին: Իրաւի, որ սրանով պիտի ընդմիջեմ մտքերիս հետեւացութիւնը, բայց փոյթ չէ. զուցէ մեր օտարացած սերունդը, այն տոհմի յիշատակարանը տեսնելով, մի նոր կենդանութիւն զգայ, թէև խոստովանում եմ, որ նրա մէջ այնպիսի չորացած անհատներ էլ կ'գտնուին, որ եթէ բոլոր զարբաղանները միաժամանակ զրգռացնեն, նրանք եզրպտական սփինքսի պէս էլի անշարժ կ'մնան: Պէտք է ասել որ Մամիկոնեան տոհմի մարդիկը ազգային աղէտների կամ հանդէսների ժամանակ, միշտ անձնուէր և անձնուրաց ծառայ կն եղել թէ նիւթապէս և թէ բարոյապէս: Այս զիճը այդ տոհմի մի առանձին յատկանիշն է, որի շռաւիղները կարծես թէ մրցել են միմեանցից զերազանցելու մարդկային պատուականութեամբ: Ես մտածում եմ, որ շատերն էլ մեր յետագայ պատմութեան մէջ, սրանց օրի-

նակին հեռակելով, այսպէս ասեմ, կռել են հայ-
լենասէրները շղթայաշարը, տեղ-տեղ ազա-
մանդի օղակներով զարգարած ու նշանաւոր
խօսքերով քանդակուած, որ Վարդանանց փափ-
կասուն փիկնայքն են կտակել իրանց հեռաւոր
քոյրերին այսպէս. «Աղգի «էրը պէտք է «ըր-
տ»-ը կրել է «ը թէ թիւն»-ը գրել է բռնի այն
աշխարհ, որ «էն»-ը է հասարակութեան թշու-
տ»-ն է և հազար է բռնի այն «ըրտ», որ
բռնուած է հասարակաց ցաւերով!»

Յայտնի է, որ նախնիների քաջագործութիւ-
նը, բերանացի կամ զրաւոր անցնելով գալոց
թոռներին, լայն թռիչք են տալիս նրանց հո-
գեւոր աշխուժին ու երևակայութեան:

Տայաստանի ձգնաժամին, հինգերորդ դարում,
Վարդանից յետոյ աւելի մեծ հանդիսացաւ Վա-
հան Մամիկոնեան, որի մեծութեան հետ բնու-
թիւնը պարզեւել էր նրան և զարմանալի հա-
մեստութիւն: Նա իւր ձիրքերի շնորհիւ պատե-
րազմների ընթացքը առաջուց կշռելով ու
աջողացնելով, այնու ամենայնիւ այդ աջողու-
թիւնը վերագրում էր իւր ընկերակիցներին և
այդպէս փայփայում նրանց ինքնասիրութիւնը:
Նրա բոլոր կեանքը պատկերացնում էր մի անձ-
նագործ մարդասիրութեան հանդէս. ահազին
հարստութեան տէր լինելով, նա մեր ազահ ժա-
մանակի պէս չէր աշխատում այդ հարստութիւ-

նը բաղմատապատկելու, այլ իւր ունեցածից առատ ձեռքով էր բաժանում կարօտեալ մարդկանց¹⁾: Իւր բաղմաթիւ ծառաների հետ էլ այնպէս էր վարվում ու խնամում, որ նրանց մարդկային կոչումը չստրկացնի, ուր բնական ոգին կարող է միայն ազատ աճել ու զարգանալ և ամեն կատարելութիւնների հասնել: Քանի որ մեր ժամանակներում շատ աղաներ ստորին արարած են համարում իրանց ծառաներին, Մամիկոնեան ծառաները այնքան յարմարութիւն էին վայելում այդ տան մէջ և այնքան ազատ շունչ քաշում, որ Ղաղար Փարսեցին «անշարայ» է անուանում Մամիկոնեաններին: Նա, խօսելով այն նախարարների մասին, որոնք ապրում էին մեծ-մեծ տներով ու փարթամ ճաշկերոյթներով, ասում է, որ նրանց քաղցած ծառաները հանապազ թակում էին «անշարայ» Մամիկոնեանի դռները, միս և զանազան ուտելիքներ խնդրելով²⁾:

Այսպէս մեր օրերին էլ շատ ենք տեսնում այն տեսակ փաշաների ու խաների սովից զկըր-

2) «Զորոց ձանձրացուցանէին բաղմածառայքն զանձառայիցն զգուրս, խնդրելով հանապազ զմիս այլ և այլ որսոց», Ղ. Փ.:

1) Տես Ղ. Փ. «...Առաւել ևս կամաւոր յօժարութեամբ յորդագոյն էր աւագ որդին Սրբոյն հմայեկայ, որում անուռն էր վահան»:

տող զԷսդէս, որոնք աղաներին ուղեկցելու ժամանակ մօրեխի պէս թափվում են զիւզերի վերայ և ամեն բան սրբում, ինչ որ ձեռք է ընկնում: պատահում է, որ և ընդդիմադրողների գլուխները միասին! Բայց Վահան մի հազուագիւտ յատկութիւն էլ ունէր, որ մեծ մասամբ պակաս է մեր ժամանակի իշխաններին ու զինւորականներին. նա, բացի իւր ստրատեգիական պլանները կազմելուց և կամ թեթեւաշարժ որսորդի պէս արարների և կաքանների երամքները զլորելուց, լաւ կրթուած լինելով Վրաց Աշուշա թագաւորի հոգատարութեամբ և Ղ. Փարպեցու ընկերակցութեամբ, հետաքրքրվում էր և մտաւոր կեանքի հարցերով:

Ինչպէս յայտնի է հին ժամանակներում սովորութիւն կար, որ տղէտ մարդիկ մատենագրերի երկերը արտագրելով, սրանց մէջ զանազան անտեղի աւելուածներ էին մտցնում (որանցից ¹⁾:

¹⁾ Ահա ինչ է ասում Ղազարը. «Արք տգէտք և յանդգունք գրեցին յինքեանց ճառս ընդունայնս և անպիտանարանս և խառնեալ եղին ի գիրս գիտուն լսողաց, այլ ընտրող մտաց ճանաչի յայտնապէս գիտնոցն բանք և անմտացն շարփաղփութիւնք, Որում արթնամիտ խորհրդականութեամբ ուշադրեալ այսմ ամենայնի, մտաւոր և քաջ այրն Վահան... Որ բաղում և անհամար ուղղութեանց աշխարհիս հայոց ՚ի ժամանակս իշխանութեան իւրոյ եղև արարող ան-

Այս խարդախութիւններին Վահանն էլ տեղեակ էր, այնպէս որ, երբ նա Փարպեցուն առաջարկեց նկարագրել Հայաստանում պատահած անցքերը, թէ իրանից առաջ և թէ իւր ժամանակ, նոյնպէս խնդրեց առանձին ուշ դարձնել այս հանդամանքի վերայ:

Այսպիսի բարեմասնութիւններով էր օժտուած Վահան, որի հռչակը օրէցօր տարածվում էր ամեն տեղ: Բայց զրա հետ միասին օրէցօր աւելանում էր և նրա թշնամիների թիւը: Յայտնի է, որ այդ թշնամի զրպարտողները մի նախրային յատկութիւն ունին. նրանք շատ շուտ են գտնում միմեանց, շուտ էլ միմեանց հետ ձուլվում, որովհետև միևնոյն հոգու տէր են: Նրանք ցանկանում են միշտ առաջինը լինել և երբ որ բախտը չի բերում, իրանցից մեծին սկսում են հինգերորդ թւից համարել, որ առաջինը չլինի: Այսպէս աշխարհիս երեսին չկայ այն մաքուր անձնաւորութիւնը, որ ժամանակակից ինարիզան մարդիկ ցեխ չձգեն. բայց ի զուր, որովհետև ցեխը, դեռ աչքած տեղին

ձամբ և զայլս յորրորելով զբազումս. Սա որպէս և այլ ամենայն բարւոյ իրօք հոգացեալ զՆայաստան աշխարհի իրս, առաւել ևս զայս, ի գէպ և պատշաճ համարեցաւ, ի մնացեալ տեղւոյ պատմութեան երկրորդ գրոցն՝ աճեցուցանել և յառաջ գրել յայնմ հետէ զեղեալս յաշխարհիս հայոց»:

չհասած, էլի կպչում է ձգողներին: Այսպէս էլ Վահան, չնայած նախարարների բամբասանքին, մնաց այն ազնիւ ու անդին զոհարր, որ մինչև այսօր էլ չի կորցրել իւր պայծառութիւնը¹⁾: Այս առատաձեռն, լայնասիրտ և մեծատուն Մամիկոնեաններին չի վերաբերվում Քրիստոսի խօսքը. «Որդեակք, ինչպիսի դժուարին է յուսացելոց յինչս մտանել յարքայութիւն Աստուծոյ»: «Իւրին է մալխոյ (չուան) ընդ ծակ ասղան անցանել, քան մեծատան յարքայութիւն Աստուծոյ մտանել»:


¹⁾ Դժբախտարար, պէտք է խոստովանել, որ երբեմն էլ զըպարտութիւնը լաւ միջոց է զըպարտուածի դէմ մաքառելու, մանաւանդ երբ որ հասարակութեան մէջ պատուի և անձնասիրութեան զգացմունքը քիչ է զարգացած, և այդ պատճառով զըպարտողի ներշնչումները հալած իւղի տեղ են գնում: Այն ինչ հասարակաց դատաստանը անհրաժեշտ է այդտեղ: Ինչպէս պիտ լինի հասարակաց դատաստանը? Նարկաւօր չէ բարբարոսական սովորութեան հետեւել. հարկաւօր չէ ոչ զըպարտողի տունը քանդել, ոչ էլ հին պեղադօղի պէս նրա ականջը պոկել կամ մազերը պրծոկել. հերիք է միայն խղճալով մօտից անցնել և գլուխ չտալ, այսինքն հրապարակական պատուից զրկել!

Բայց հասարակութեան մէջ կայ մի այդպիսի բարոյական դժո՞ք?

ԳԼ. ԻԻԻ.

Պատմական իրողութիւնները, որոնց մասին վերը խօսեցինք, կատարուել են Հինգերորդ դարում: Այնուհետեւ ահա անցել է 1400 տարի և այդ երկար շրջանում հայերի լաւագոյն մասի մէջ միշտ կենդանի է մնացել ազգային գոյութեան դաղափարը, լեզուի ու գրականութեան ուսումնասիրութիւնը: Այս զեղեցիկ յատկութիւնների շնորհիւ վերականգնել են Քաղրատունեաց և Ռուբինեանց իշխանութիւնները, սպա առաջ են եկել այլևայլ Մելիքութիւններ ու Ձէյթունի արիւնահեղ խլրտումները նոյն ազգային բարօրութեան նպատակով, բայց չկարողանալով դիմանալ Մահմեդականների բուռն արշաւանքներին, վերջ ի վերջոյ պիտի տեղի տային նրանց առջև և հրաժարուէին իրանց անկախութիւնից: Եթէ մի թեթեւ հայեացք ձգենք մեր այդ երկու թագաւորական հարստութիւնների (династія) վերայ, կ'տեսնենք, որ դրանց մէջ թոյլ է եղել ազգային միութեան գաղափարը: Նրանք չկարողացան ստեղծել մի բարոյական ու տնտեսական կարգ, մի առողջ պետական օրգանիզմ, որ ընդունակ լինէր ներքին և արտաքին ինքնապաշտպանութեան.

II
A 34032
40548



զկարողացան, ասում ենք, սանձահարել բաղմա-
 թիւ իշխանների կամայականութիւնը, որոնք
 իրանց եսական ձգտումներով մեծ փնաս են
 հասցրել հայրենիքին: Բայց այստեղ մի հանգա-
 մանք էլ պէտք է նկատել, որ շատ կարեւոր է
 մեր յետագայ պատմութեան համար: Եթէ մի
 կողմից Մահմեդականները, Ղուռանի ողւով
 անած, անարգել հեղեղի պէս թափվում էին Քրիս-
 տոնեայ աշխարհների վերայ, միւս կողմից իրանք
 քրիստոնեաներն էլ փոխանակ միանալու պա-
 տառում էին միմեանց, աստուածաբանական
 վերաբանութեան շնորհիւ որոնց մէջ հայերը,
 ոչ ցեղակից գտնելով և ոչ դաւանակից, ֆնա-
 ցին կղզիացած ու անջատուած, — մի հանգա-
 մանք, որ ներկայումս էլ զգալի է: Մեզ կա-
 րող են հակաձառել, որ ցեղակից և դաւանա-
 կից ազգերն էլ շատ անգամ ընդհարուել են
 միմեանց հետ և մեծ կոտորածներ գործել, բայց
 այդ բանը պիտի վերագրել նրանց ժամանակաւոր
 թիւրիմացութեան կամ մտաւոր խակութեան,
 բայց յետոյ, նոյն ազգերը քաղաքականապէս
 հասունանալով, էլի եկել են ցեղային համերաշ-
 խութեան, թէև կրօնով բաժանուած: Այսպէս
 են միացել Գերմանական այլադաւան ցեղերը
 առաջ Պրուս-Ավստրիական և յետոյ Պրուս-
 Փրանսիական պատերազմների օրերով. այսպէս
 են վերականգնել Յունաստանի ազատութիւնը

և Բալկանեան թերակղզու իշխանութիւնները Ռուսների աջակցութեամբ, որոնք այսօր էլ զբաղուած են նոյն միութեան խնդրով կաթօլիկ Լեհերի և Չեխերի վերաբերմամբ: Յայտնի բան է, որ այս տեսակ միջամտութիւնը քաղաքական դիտումներ էլ ունի:

Յամենայն դէպս մենք սրանով չենք ուզում ասել, որ հայերը թողնեն իրանց եկեղեցիին և փախչեն. այդ մեր կողմից մի աններելի յանցանք կ'լինէր: Այժմ այդ միութեան ժամանակը արդէն անցել է. այսուհետեւ այդ միութիւնը ոչ միայն անօգուտ է, այլ և ֆնասակար, որովհետեւ քրիստոնէութիւնը զուտ ազգային ուղղութիւն է ստեղծել, հետեւբար և ամեն ազգ, քաղաքականապէս թոյլ և անզօր, որ փրկութեան յուսով մտածում է միանալ մեծի հետ, կ'կորցնի ազգութեան բոլոր նշանները, այսինքն կոչնչանայ: Այս պատճառով հարկաւոր չէ սուտ քրիստոսներին հաւատալ, որ իրանց կրօնը բոլորից գերազանց է: Հայր թող չխարուի այդ ծերերի առասպելներից և հաւատարիմ մնայ իւր եկեղեցուն և ոչ մի երանութեան հետ էլ չփոխի դրան հէնց այն պատճառով որ այդ եկեղեցին խօսում է հարազատ լեզուով և ուրիշների խօստացած երանութիւնը ինքն էլ կարող է տալ: Փողից յափշտակուել և կրօնով առևտուր անել, ինչպէս ընդունուած է այժմ, նոյն

է թէ իւր խղճմտանքի մէջ մախաթ խրել և բոլոր կեանքը նրա խայթոցից կըսկծալ !

Բայց թէ հայերը քաղաքականապէս սկարու անօգնական են եղել, ողորմութեամբ Աստուծոյ, նրանց մէջ չի հանգել լուսաւորութեան ճրագը: Ինչպէս ասացինք, ազգի առաջաւոր մարդիկը, հին դարերից սկսած, անձնուրաց կեանքով աշխատել են հոգեւոր կերակուր մատակարարել իրանց հայրենակիցներին և այդպէս նպաստել նրանց յարատեւութեան: Քաղցր է նկատել, որ հարուստներն էլ, թէև փոքրաթիւ, ազգի բարօրութիւնը իրանց զբաղանից վերադասելով, առատաձեռն նուէրներ են տուել և իրանց անունը արձանագրել բարերարաների ցուցակում: Ներկայումս հայրենագիտութեան և ընդհանուր կրթութեան անհրաժեշտութիւնը աւելի և աւելի է զգալի: Ներկայումս, երբ ինքնաղոյութեան մաքառումը այնքան սուր կերպարանք է ստացել, կեանքի և մահուան խընդիրներում չի խորտակուիլ միայն նա, որ զինուած է զխտութեան հարուստ պաշարով և, ուրեմն, կարող է մրցել ժամանակի հետ: Այսպէս է մեր ժամանակի աննահանջելի պահանջը:

Այս հոգեւոր կեանքի զործողութիւնը մենք այստեղ առաջ բերինք յիշեցնելու այն պարզերես հայերին, որոնք, անձնատուր լինելով զեղխութեան ու աւելորդ վայելքների, քաշվում

են հասարակաց գործերից: Դրանցից ոչ ոք չի
 ուզում մօտենալ կրթական գործին, ոչ ոք չի
 ուզում կարեկցել մեր գրականութեան ողոր-
 մելի գրութեան և ամեն բան կամենում է հը-
 բաշքով կատարած տեսնել: Վաճառականը չի
 կարգում մեր գրուածը, որովհետեւ, ասում է,
 կարդալու ժամանակ չունի. հարուստ մեծա-
 տունն էլ չի կարգում, որովհետեւ ժառանգա-
 կան սովորութիւն չունի կարդալու և շատ քիչ
 է զբաղուած ազգի վերածնութեան հարցով:
 Քահանան ու վարդապետն էլ, յայտնի է, որ
 շատ էլ չեն սիրում կարգալ և եթէ այն տա-
 րէն մի քանի լոյս տեսած գրքերից հարցնէք,
 թէ կարդացել էք? — նրանք միշտ միատեսակ
 պատասխան կ'տան ձեզ. «Այո», լ'էլ է՞+. բայց
 թէ պատահմամբ էլ կարդան, գրքի մէջ խոր
 մտքեր լինելով, շատ թեթեւ են հասկանում,
 որովհետեւ շատ թեթեւ են կարգում! Ինչ
 ասեմ և մեր ինտելիգենցիային, որ մեծ մա-
 սամբ անտարբեր է դէպի մայրենի գրականու-
 թիւնը? Մեր ինտելիգենտները միայն իրանց
 մեղքը ծածկելու համար միշտ բողոքում են, որ
 այդ գրականութեան մէջ մեծ հանձարներ ու
 տաղանդներ չեն դտնում: Կարծես թէ նրանց
 յայտնի չէ այն հանգամանքը, որ հանձարները
 սնկի նման չեն բսնում. որ հանձարները դա-
 րերով կրթուած ազգի ծնունդ են, ուր կայ թա-

դաւորող կեանքի լայնածաւալ առուներ, հասունացած խնամատարութիւն ու սննդարաններ, բազմատեսակ գիտութիւնների բարգաւաճանք:

Մեր պէս փոքր ազգերին շատ և շատ բաւական են համեստ ու հռանդուն մշակներ, բարեխիղճ գործիչներ, որոնք կարողանային համերաշխ ոյժերով առաջ տանել ընդհանուր լուսաւորութեան գործը: Ահա այդպիսի գործիչներ մեր մէջ եղիլ են առաջ, այժմ էլ կան: Եկէք, հետաքրքրուեցէք ձեր զրականութեամբ և, ես համոզուած եմ, դուք ևս հոգևոր հաճութիւն կ'զգաք: Բայց չէ. մենք բոլորս գեռ սպասում ենք հայկական Մեսիայի գալստեան, — հայկական հրաշագործ հանձարին! Եթէ մեր այս դատապարտելի անհոգութիւնը շարունակենք, մենք այն յիմար կոյսերի նման արտաքին խաւարումը կ'մնանք և մի դար էլ չի անցնիլ, երբ ազգամոլոցումների միջին կ'ջնջուենք աշխարհիս երեսից:

Ինչ անենք, որ փոքր ազգերը չհալուեն ժամանակիս լայնափոր և լայնաբերան քուրայի մէջ?

Պ. ԻՎ.

Բայց հին ժամանակներում փոքր ազգերին աւելի հնչտ էր զիմանալ օտարի ազդեցութեան

քան թէ ներկայումս: Հին ժամանակի յաղթողը առհասարակ յաղթուած ազգի կրթութեան ու նիստ ու կացի հետ բան չունէր. նա միայն հաւաքում էր, այսպէս ասել, այդ ազգի անպիտան շրջանները, այսինքն դրա շահումը դաւաճաններին իւր կողմը զրաւելով, և պահանջում էր հաւատարմութիւն և հարկերի վճարում: Նոր ժամանակը առաջ կտրում է ազգային ծառի բողբոջները դպրոցական և ուրիշ նենգաւոր միջոցներով, յետոյ բոլոր ծառն էլ արմատից զետին տապալում: Այս պատճառով այսօրուայ յաղթողը բացի նիւթական զոհարութիւնից պահանջում է, որ յաղթուածը իւր հողին էլ տայ և այն բոլորը, որ կազմում է ազգութեան էական գծեր: Եւ որովհետեւ այդ էական գծերը ամփոփվում են լեզուի ու գրականութեան մէջ, տիրապետողները իբր թէ վերին պետական շահերի պատճառով ջանք են դնում փակել զրանց աղբիւրները. արգելել ամեն հաստատութիւն ու ձեռնարկութիւն, որոնք նոյն նպատակին են ծառայում: Այնուհետեւ սկսվում է մի կատարեալ որսորդական արշաւանք ինչպէս վայրենի թռչունի և վայրենի զազանների դէմ: Տիրապետողը ասում է. «այս աւելորդ, այն պակասորդ. պէտք է խուզել, պէտք է զզել, պէտք է դզել». — բայց այնպէս է խուզում, որ կաշին էլ հետն է քերթում և այնպէս դզում:

որ բոլոր ոսկորներն էլ միասին ջարդում! Մեզ ասում են, որ այժմեան քաղաքակրթութիւնը, դարևոր փորձերից յետոյ, վերջապէս մշակել է մի խիստ մարդասիրական սկզբունք, այսինքն եղբայրութիւն ազգերի մէջ և հպատակների համար անպայման արդարութիւն օրէնքի առաջև. բայց, դժբախտաբար, այդ արդարութիւնը երկու ներհակ ծայրեր ունի. մի ծայրին ինքն է բաղմաճ, միւս ծայրին այն, որ հակառակ է իրան: Իսկ ազգերի եղբայրութեան մասին պէտք է ասել, որ «նացիօնալիզմի ատամը» երբէք այնքան սրած չի եղել, ինչպէս այժմ: Նա կարող է թշնամու գանգը մի կողմից ծակել, միւսից անց կացնել! Սյդ արիւն-երկաթի հերոսներին թէև մարդկութեան բարեկամները նզովք են կարդում, բայց դեռ իրաւունքը ոյժի կողմը լինելով, ահա բոլոր աշխարհը գրիթէ պատկերացնում է մի սպառազէն բանակ, ուր ամեն մի պետութիւն կարծես թէ հին Բէլի նման ձգտում է «բռնանալ ունել զամենայն երկիր»: Եւ ամեն մի պետութիւն իւր անիրաւ վարմունքը սկզբունքի խնդիր է համարում: Բայց այդ իւրաքանչիւ է արդեօք? Եւրոպայի վարմունքը Չինաստանի հետ կ'մնայ մի սև բիծ համաշխարհային պատմութեան մէջ, մի վերին աստիճանի անիրաւութեան կոթող, որովհետև այն անպաշտպան աշխարհը ողողուեց իւր հարազատ զաւակ-

ների արիւնով: Այդ միայն երկունքի սկիզբն է: Անցողակի ասեմք, որ Չինաստանը երկունքի առաջը առնելու համար երկու միջոց ունի. մի որ, նա պիտի ձեռք բերէ իւր թշնամու մտաւոր և նիւթական զէնքը. երկրորդ, նա պէտք է արգելէ քրիստոնէական դաւանութիւնների տարածումը իւր երկրի մէջ, միայն մէկին թոյլ տալով, որովհետեւ դաւանական մրցումները, որ, անտարակոյս, քանի գնան, այնքան էլ կ'սաստկանան, աւելի վտանգաւոր է նոյն թշնամական արշաւանքներից:

Ինչ ասեմք այն խեղճ Բուրերի մասին, որ ամբողջ երկու տարի պատերազմեցին բազմաթիւ անգլիական զօրքի դէմ և վերջ ի վերջոյ պէտք է հրաժարուէին անկախութիւնից և բռնի մահի ենթարկուէին: Թէպէտ չի կարելի չհամակրել Անգլիացւոց մտքի մեծութեան, նրանց դաստիարակչական ու վարչական սիստեմին ու հասարակաց սարք ու կարգին, բայց այդ համակրանքը չի կարող խեղդել մեր մէջ արդարութեան ձայնը դէպի Բուրերը: Դժբախտաբար, ոչ մի եւրոպացի պետութիւն իրաւունք չունի դատապարտել այդ կոպիտ ոյժի բռնութիւնը, որովհետեւ ոչ մէկին էլ չի կարելի ասել. «Անմեղն ի ձէնջ նախ արկցէ քար ՚ի վերայ դորա»: Ամենեին ուրիշ հարց է, որ մի քանի տարի էլ չի անցնիլ, երբ Բուրերը միան-

գամայն կ'ընտելանան տիրապետողին, կ'ստանան քաղաքացիութեան հաւասար իրաւունք և կեանքի ու գոյքի ապահովութիւն: Աւելին ստենք, որ Բուրերի պատիւը չին տրորիլ ցեխի պէս, ինչպէս փոքր Ասիայումն է լինում: Նրանց կանանց ու աղջկերանց չեն փախցնիլ ցերեկով և չեն էլ պղծիլ նրանց սրբութիւնը, — այն, որ այսօր արդարացնում են զանազան հերոսներ Ախոփների զարմից! — Եւ իրաւի. եթէ օտար հպատակի լեզուն ու կրօնական համոզմունքը ազատ է բռնակալ միջոցներից, էլ ինչ կասկածանք կարող է լինել զրա հաւատարմութեան մասին, քանի որ այդ հաւատարմութիւնը բերում է իրան նիւթական և հոգեօր հանգստութիւն? Թիւրքիան այդ մասին ամենեւին ուրիշ հասկացողութիւն ունի: Նա խրտրող օրէնքներ է գործ դնում Մահմեդականների և Քրիստոնեաների վերաբերմամբ և երկուսի մէջ էլ անսպառ խռովութիւններ ցանկելով, երկիրը մնում է անմշակ և բոլոր կարգերը խախտվում: Թիւրքիան, մոռանալով այն հանգամանքը, որ ամեն աշխարհի մեծութիւնը նրա վաշտերը չեն, այլ տնտեսական և բարոյական պայմանները, ի զուր է հարուածում իւր քրիստոնեայ հպատակներին և այդպէս փակում այն հարստութեան աղբիւրները, որ նրանցից է գալիս: Միակ ճանապարհը, որ դեռ ևս կարող էր

փրկել Թիւրքիային իւր օրհասական վիճակից, այդ այն աէֆօրմներն են, որ նա 25 տարի առաջ խօստացել է մտցնել քրիստոնեայ հպատակների մէջ, — այն է շինել և բարեկարգել աշխարհը, սանձահարել աւաղակաբարոյ ձրիակեր հրոսակներին և առհասարակ հրաւէր կարգալ բոլորին դէպի նոր կեանք, նոր գործունէութեան շրջան: Քրիստոնեայ ազգարնակութիւնները, զլիսով ու գոյքով ապահովուած, կարող են մեծ ծառայութիւն մատուցանել Տաճիկների տէրութեան. նրանք աւելի հակամիտ և ընտելացած լինելով լուսաւորութեան, ներս կ'ընեն տնտեսական և գործնական զիտութիւններ, ապա և Մահմեդականները հետևելով նրանց, միասին կ'կենդանացնեն աշխարհը: Այս պիտի լինի Թիւրքիայի առաջին ու վերջին ձեռնարկութիւնը, որ, դժբախտաբար, չեն տեսնում նրա քօռ զեկավարները, այլ միայն ցամաքում տեսնում են անդրդելի թնդանօթներ, — ծովում — պատերազմական նաւեր երկար ձողերով ու կայմերով! Այո՛, Թիւրքիայի զեկավարների վերայ աէֆօրմ բառը այնպէս է ներգործում, ինչպէս կարմիր գոյնը եղան վերայ: Նրանք չեն ուզում հասկանալ, որ աէֆօրմների յետաձգութիւնը առիթ է տալիս քրիստոնեայ հպատակներին մտածելու իրանց գոյութեան մասին և ուրիշ ձանապարհ օրոնելու...

Այս զրուածեան մէջ ենք տեսնում այսօր Մակեդոնիան և Փոքր Ասիան, շրջապատած տաճկական զօրախմբերով: Յայտնի բան է, որ Մակեդոնիան թէ վաղ և թէ ուշ կ'ստանայ ցանկալի ու խօրմներ, որովհետև նա զրսից ու ներսից տէր ունի, բայց թէ երկինքը ու երկիրը ինչ է պատրաստում անտէր Ասիային, — այդ սպազայի գաղանիքն է: Ախ, եթէ մեր թշնամուն զորքը տանէր և սպազայ գաղանիքի լուծումը մեր ազատութեան դարագլուխը լինէր! Մենք այսօր միայն թերայոյս կարող ենք բացականչել.

Նազար ողջոյն այն դարին.
Բարօրութիւն խեղճ ազգիս.
Զէնքով օգնիր թշուառին,
ԱտենաՀաս սուրբ Սարգիս!

Ինչ անենք, որ փոքր ազգերը չհալուեն ժամանակիս լայնարեւրան և լայնափոր քուրայի մէջ?

Պ. Վ.

Մեզ ասում են, որ փոքր ազգերի պաշտպանութեան համար կարող են զօրծել Մամուլը, քրիստոնէութեան հոգևոր սպասաւորները, մանուկ սերունդը և զանազան ֆիլանտրօպիական և հնախօսական ընկերութիւններ: Մենք ընդ-

Հանուր գծերով տեսնենք, թէ զրանք որքան համապատասխան են իրանց նպատակին:

Մամուլը, որ ընդարձակ մտքով հրապարակախօսութիւն է, մեր ժամանակում, իրաւի, մի ազգային և միջազգային հզօր ֆակտօր է, մի տեսակ էլէքտրական էնէրգիա կամ պաշար, որ լայն ու երկար շառաւիղներ է արձակում երկրի մի ծայրից մինչև միւսը: Նրա գործողութիւնը անվերջ է, ինչպէս էլ անվերջ են մարդկային կենդանականութեան հարցերը: Աղատամիտ և անկողմնապահ մամուլը, արձագանք լինելով ազգի մէջ տիրապետող շարժումներին, նպատակայարմար ընթացք է տալիս նրանց և լուրջ յօդուածներով նպաստում նոյն ազգի բարոյական և անտեսական մեծութեան: Բայց այդտեսակ մամուլը միևնոյն ժամանակ չի ծառայում նեղասիրտ ազգասիրութեան, որ շատ անգամ ժանտախտի միկրօբի պէս վարակում է ընդհանուրի ուղ ու ծուծը և զրկում քաղաքակրթող հանձարից: Այս պատճառով նա իւր հայրենակիցներին չի քնննում մեծութեան քաղցր երազներով, այլ նրանց արատները համարձակ մերկացնելով, ցրվում է հասարակութեան մէջ բուն դրած նախապաշարմունքը, որով և մօտեցնում է ազգերին միմեանց հետ և եզրայրութեան կամուրջ ձգում: Բայց ազատամիտ մամուլը մի յատկութիւն էլ ունի. նա, զրակա-

նութեան մի մասը լինելով և նրա բազմաձև գտեսականների հետ շփուելով, կազմում է մի նախապատրաստող դպրոց երիտասարդ գրողների համար, սոցա ոճը և մտքերը ուղղելով ու կանոնաւորելով: Այդ ուղղութեանն են պարտական մեծամեծ տաղանդներ ու հրապարակախօսներ, որոնք նպաստել են մարդկային ընդհանուր առաջադիմութեան և անպաշտպանների պաշտպան հանդիսացել: Սիրով ողջունենք այդ մամուլը և մեր խորին ու գիտակից շնորհակալութիւնը մատուցանենք! Բայց, դժբախտաբար, մամուլը երկու առանձին հոսանք ունի. մինը, ինչպէս այս բուպէիս ասացինք, լուսաւոր և միւսը խաւարային, որը սովորաբար կասկածանքով է վերաբերվում դէպի միւս գործիչները, որ իւր հետ չեն և միշտ էլ դարանամուտ է դէպի օտարները: Այս պատճառով խաւարասէր մամուլի ներկայացուցիչները, կարծես, միշտ են թարկուած են հիպնօտիզմի ներշնչումներին: Նրանք օր ու գիշեր միայն թշնամական արշաւանք են տեսնում այնտեղ, ուր երեւակայած թշնամին, իւր մտաւոր և արդիւնաբեր կարողութիւնները զարգացնելով, կազմում է նորանոր գիտական և տնտեսական ընկերութիւններ, ովկիանոսները լցնում բեռնաբարձ նաւերով և այդպիս իւր բարեկեցութեան պայմանները կատարելագործում: — Իսկ նրանք խրմ-

բովին աղաղակում են, որ այդ բոլորը հակա-
ռակ է իրանց ինտերեսներին և ոչինչ չեն ձեռ-
նարկում, որ իրանք էլ զուգընթացաբար ա-
ռաջ գնան: Խաւարասէր մամուլը այնտեղեց էլ
թշնամական արշաւանք է տեսնում, ուր խա-
ղաղ ժողովուրդը վաղուց արդէն ղէնքը զու-
թանի է փոխել, նիղակը մանգաղ ու գերանդի
և քրտինքը երեսին հաւաքում է այն, ինչ որ
արտերն ու դաշտերն են բերում: Նա հէնց այդ
ժողովուրդի դէմ Գանտէսի դժոխքովն է ղինուոր-
ւում, երբ նա մի փոքր նիւթական աջողու-
թիւն ունի, աչքաբաց է և աշխատասէր, բայց
զլխաւորը, որ անկախ եկեղեցի էլ ունի: Սրա
համար այդ հոգևորական և աշխարհական հե-
րոսները քար են ձգում այն եկեղեցու վերայ
ամեն անկիւնից, ինչպէս գեաղէքը աղայի կըռ-
նատակից ամեն անցորդի վերայ: Ես համոզուած
եմ, որ եթէ այն անկախ եկեղեցին իրանց զոգը
ընկնի, մեր հերոսների պլաուլաները իսկոյն զո-
հարանական աղօթքով կ'լցուեն և այնուհետև
իրանց քարոզները այսպիսի տողերով կ'սկսեն.
«Մենք միշտ համակրել ենք այդ շնորհալի ազգին.
միշտ զովասանել ենք նրա ազնիւ յատկութիւն-
ները. կեցցէ մեր նորընծայ եղբայրու թիւնը! Բայց
որովհետև այդ անկարելի է, անառակ մամուլը
աշկարայ պաշտպանում է անտանելի բռնու-
թիւր Փոքր Ասիայում, ուր մի փոքրիկ քիւ-

տոնեայ ազգ ենթարկուած է սովի ու հալածանքի։ Անառակ մամուլը մինչև անգամ ծաղրում է այդ ազգի մարտիրոսական զոհերին, մոռանալով, որ երկնքումը Աստուած կայ, որի ողորմութեանն են վերագրում նրանք իրանց բախտաւորութիւնը։ Թող նոքա իմանան, որ այդ բախտաւորների Աստուծոյ ողորմութիւնն է, բայց անբախտների Աստուած էլ կայ, որ նրանց աջողութիւններին այսպիսի հատուցումն է տալիս. «Վայ ձեզ որ յազեալքդ էք այժմ (կշտացած), զի քաղցիցէք. վայ ձեզ որ ծիծաղեքդ այժմ, զի սղայցէք և լայցէք»։

«Յէ՛ք՝ ծնունդք իժից, զեմորդ փախնուցուք ՚ի դատաստանէ գեհնին»։

Բայց Փոքր Ասիայի բռնութեան վերաբերմամբ Սուլթանի ոսկին էլ մեծ դեր է խաղում մի քանի Եւրոպական հրատարակութիւնների մէջ, որոնք ստրկարար խունկ են ծխում բաշի բուզուկներէ մեծահոգութեան, որովհետև նրանք հաղարաւոր զոհերի գլուխը մի անգամայն չեն թռցնում, այլ մի քանի անգամայն! Ստրկին ներքի է իւր ստրկութիւնը, պատճառ այդպէս է ծնուած. բայց կամաւոր ստրկանալ և, «Ոսկի հորթի» պոչը բռնած, արշաւել այնտեղ, ուր փաշան է քշում,—եօթն մահացու մեղքից աւել է! Աստուած իմ, ուր, սեսս, չլինի այդ «Ոսկի հորթի» ներգործութիւնը. և մարդկութեան

սրբավայրերում, և արդարութեան արիքունայլի վերայ և մանաւանդ պօլիտիկայի մէջ-ամեն տեղ անարգ մետալն է թաղաւորում: Այս է մեր մարդկային և քրիստոնէական առաքինութիւնը, որ Մեֆիստֆէլը սատանայի հետ միասին ծաղրում է դառնութեամբ.—

«Երկրի վերայ աղբ մարդկային

«Միայն մի սուրբ կուռք է պաշտում:

«Որ տիրում է ողջ աշխարհին,—

«Եւ այդ կուռքն է ոսկի հորթ»! 1)

Այս զլուխն էլ վերջանում է պեսեմետի հա-
յեացքով: Տօ չի կարելի հրամայել մեր աչ-
քերին որ չտեսնեն այն, ինչ որ գրած է իրանց
առջև! Պէտք է օդը, ջուրը և հողը իրանց
յատկութիւնը փոխեն. պէտք է մարդը վերա-
ստեղծուի, նորից կազմակերպուի Ֆիզիկապէս
և հոգիպէս,—և այն ժամանակ միայն հնարա-
ւոր կ'լինի անդորին փրկութիւն գտնել զօրա-
ւորի կողքին, ինչպէս դառին գայլի կողքին!
Ո՛հ, որքան քաղցր էր ինձ շարադրութեանս
սկզբին հեռանալ սրաամուշ իրականութիւնից

1) На землѣ весь родъ людской,
Чтить одинъ кумирь священный,
Онъ царить надъ всею вселенной,
Тотъ кумирь телець златой.

(Опера «Фауста»).

դէպի առասպելախառն կեանքի աշխարհը, այն-
տեղ նրա բանաստեղծական կամ վիպական
յարմարանքի մէջ հանգստանալ և մեր ժամա-
նակի ստախօս բերաններից աղատուել !

ՔԼ. ՄԷ.

Կրօնի սպասաւորը կարող էր հաստատ նե-
ցուել լինել ճարակաւոր թշուառներին, եթէ
հաւատարիմ մնար քրիստոնէութեան հիմնա-
դրի պատուէրներին: Բայց դարերի ընթացքում
աւանդած ուսումը այլակերպուելով, այնպիսի
վիհ է բացվում Ուսուցչի և աշակերտի մէջ,
որ անկարելի է դրան ծածկել և վերականգնել
առաջին միութիւնը: Թէև դժուար է համա-
ձայնել այն կարծիքի հետ, որ ինչ էլ կայ
քրիստոնէութեան մէջ, հակառակ է քրիստո-
նէութեան, բայց պիտի խոստովանել, որ մեծ
մասամբ ճշմարիտ է: Կրօնի սպասաւորը անմի-
ջապէս նուիրուած չլինելով նոյն կրօնի սրբու-
թեան, ինչպէս Իսքը Քրիստոսն է աւանդել,
ենթարկվում է կողմնակի ազդեցութեան և
այդպէս էլ դորձում: Զորօրինակ՝ նրան պա-
տուիրած է խեղձի բերք թեթեացնել, հարս-
տահարուածին պաշտպանել իւր հարստահարո-
ղից, խտրութիւն չանել հարստի և աղքատի
մէջ, — այն աղքատի կամ աղքատների, որոնք

զլիաւորաբար պատճառ եղան քրիստոնէութեան տարածման: Բայց այդպիսի դէպքերում ինչպէս է վերաբերվում կրօնի սպասաւորը? Ես այստեղ կամենում եմ մի փոքրիկ քարոզ ասել իմ ընթերցողներին և սխողաբար կը խնդրէի ուշադրութեամբ լսել: Ես, անտարակոյս, կ'իտսեմ միայն կարելին և ոչ թէ անկարելին, որովհետեւ եթէ բոլոր եղծումների կը ծիկը ետ տայի և ձիգ քաշէի, կասկած չկայ, որ ճանապարհի մէջտեղը թելը մկրատով կ'հարուէր!

Քրիստոսի երկրաւոր կեանքը ներկայացնում է մեզ, ինչպէս ամենիս յայտնի է, մի այնպիսի գործողութեան հանդէս, ուր մենք տեսնում ենք հարստահարողներից հալածուած ու զլուխը պատին խփած թշուառներ, որոնց Նա կարեկցաբար ձեռն է մեկնում կանգնեցնելու: Այս պատճառով Քրիստոսի բարեկամները ու սեղանակիցները կազմ կոչը ու յուսահատութեան կողքին կանգնած ազգասաներն են. և զլիաւորը՝ Ինքն էլ զրանց հետ միասին ազգատայած, ոչ հայ է գտնում, ոչ ջուր, ոչ տուն. «Աղուեսուց որջք գոն,—ասում է Նա,— և թռչնոց երկնից դադարք (հանգստանալու տեղ) և Որդւոյ մարդոյ ոչ գոյ, ուր զիցէ զզլուխ»: Ով էին Քրիստոսի հակառակորդները, որոնք թոյլ չէին տալիս Նրան զլուխը մի տեղ դնել և հանգստա-

նալ ? Դրանք զլիաւորաբար Փարիսեցիներն էին ու Դուրեմբերը և զանազան կուշտ մարդիկ, որոնց համար մահ է ամեն մի նոր շարժում կամ օգտօրմ, որովհետեւ այդ շարժումներով պէտք է յեղաշրջուէր նրանց կեանքը, որ ներկայացնում էր մի ճահիճ կանգնած ջրերով, բարբոսած ու մամռապատ: Փարիսեցիները ու զպիրները, ամեն բարիք ձրի ստանալով կեանքից, փափուկ ուտում էին, փափուկ խմում, փափուկ քնում. յայանի բան է, որ նրանք պիտի հակառակէին Քրիստոսի վերանորոգիչ վարդապետութեան և աղքատների բերանը խփէին, երբ նրանք աղաղակում էին. «Ովսաննա, որ դաս յանուն Տեառն»: Բայց այդ անգործութիւնից զերայած թշնամիները միայն մի բան չէին նկատում, որ իրանց ամեն մէկի դէմ կանգնած էին մի-մի միլիոն աղքատ, որ այդ աղքատների մէջ տարերական զօրութիւն, հաւատ ու յոյս կայ և հարկաւոր դէպքում կարող են սարեր տեղից ժաժ տար: Եւ ահա զարմանալի չէ. հէնց այն բոբիկ աղքատներն էին, որ յետոյ հեղեղի պէս խորտակեցին հարուստների ու բռնակալների պարիսպները և, անտանելի կեղեքանքների ենթարկուելով, վերջապէս սանձահարեցին նրանց, բերին ու զրին Սւետարանի ոտքի տակ: Այս անշահասէր սիրոյ մրցանակն էր. բայց մեր դարը շահասէր և հաշուեան է, կրօնի սպասաւորն էլ զարի հետ է

գնում և ոչ թէ դարի դէմ: Նա ևս մեծ կշիռ է տալիս զրպանին և ամեն բան զրպանով չափում: Այս այսպէս լինելով, առաջուայ «քրիստոնէական ստեղծագործող արուեստը», այժմ փոխուել է «չահագործող արհեստ», հետեւաբար կրօնի սպասաւորն էլ այսօր մեծաւորի դեհն է, որովհետեւ նրանից օգուտ ունի, թէև այդ արգելուած է Քրիստոսից. «Ոչ կարէք Աստուծոյ ծառայել և մամոնայի»: Յայտնի բան է, որ այստեղ մեր խօսքը զխաւորաբար վերաբերվում է միսիօնարներին ինչպէս քրիստոնէութեան, այսպէս ասենք, զօրծնական առաքեալներին, որոնք, աշխարհիս ծայրերը պտտելով, լաւ պիտի ձանաչէին հարստահարողին ու հարստահարուածին, սրա դառն տանջանքները ամօքելով և հոգևոր մխիթարութիւն մատուցանելով: Այս բաւական չէ, նրանք պիտի աւանդէին բուն քրիստոնէութեան ոգին և ոչ թէ մոլորցնէին նրան կրօնական բարգուաճներով և անպտուղ ծէսերով:

Այս է պատճառը, որ երբ թխպած երկինքը հրեղէն կարկուտ է թափում խեղձերի գլխին, միսիօնարները փոխանակ օգնելու, խկոյն գլորվում են փիլիսոփայական աստուածաբանական էրոյքի մէջ և բացականչում. հա՛, հա՛. այդ Աստուծոյ պատիժն է, որովհետեւ մեզ չեն պատկանում: Սրանք ոգւով ազատն են ևն, բայց

ոչ այն աղքատներից, որոնց Քրիստոս խոստացել է յաւիտենական կեանք! Այնպէս որ չենք սխալուիլ, եթէ ասենք, որ կրօնի սպասաւորի պարտականութիւնը մեծ մասամբ լոկ ծիսապաշտութիւն է: Այս վերաբերվում է մանաւանդ և հեթանոսների մէջ քարոզութեան նրանք պէս-պէս հրապոյրներով «...նէլըլ թուլամիաներին, երեք անգամ ընկզմում են աւազանում և կամ գլխից ջուր սրսկում մարմնի վերայ և դրանով վերջացնում քրիստոնէութեան կարգը: Շատ անգամ այդ կարգն էլ կատարվում է ոչ թէ մկրտուողի յօժարութեամբ, այլ բռնի միջոցներով կամ ժանդարմների ու զիպլոմատների սպառնողական միջամտութեամբ, քանի որ ինքը Քրիստոս արգելում է այդտեսակ գործելու հղանակը, ասելով. «Եւ որք ոչ ընկալցին զձեզ և ոչ լուիցեն ձեզ, յայնժամ ելանիցէք անախ՝ թօթափեսջէք զփոշի ստից ձերոց ՚ի վկայութիւն նոցա»: Եւ կամ «Երթայք. ահա առաքեմ զձեզ իրրև զդառինս ի մէջ դայլոց»: — Զգիտենք խաղաղասէր Զինմաչինը այսօր ինչ կարծիք ունի այդ գառների մասին?

Առհասարակ պէտք է նկատել, որ կղերականները, կրօնական ճշմարտութիւնները իրար տալով, չեն ուղում ասենել, որ հէնց առաջին խրամատը իրանք են պատճառում նոյն կրօնի

շինուածին, որի երկրորդ և երրորդ և չորրորդ աղիւսը էլի իրանք են շարել! Յայտնի բան է, որ անձնուբաց հոգևորականներ, քաջ և առաքինի հովիւներ ու քարոզիչներ թէ քահանայի սաղաւարտով, թէ եպիսկոպոսի թագով և թէ կարգինալի ծիրանի զգեստով եղել են և կան ամեն դաւանութեան մէջ, բայց ինչ են դրանք այն «Էի-ր+ Էի-րոց և հալար+ հալարաց» բազմութեան առաջև, որոնք իրանց ծիսական եղծումներով ալեկոծում են արարած աշխարհը¹⁾ :

1) Մի այդպիսի ծիսական եղծումի շնորհիւ ծանր տպաւորութիւն պատճառեց մեզ այն իրարանցումը, որ հէրու առաջ եկաւ մեր մի քանի հոգևորականների կողմից հ. Աւոնդ Ալիշանի հոգևհանգստի առիթով, Ինչքան մեզ յայտնի է, հայաստանեայց Եկեղեցին համեմատաբար ներողամիտ է եղել դէպի օտարադաւանները, բացի մի քանի բացառիկ դէպքերից, որ տեղի են ունեցել անցեալում և որը պիտի վերագրել ժամանակների տգիտութեան և կամ Փանատիկոսական պայթումների, հոգևհանգիստ չկատարել օտար քրիստոնէի վերայ, նշանակում է հեռանալ Աւետարանի վարդապետութիւնից և երկպառակութիւն ցանկէլ այլևայլ կրօնական համայրների մէջ: Ներկայ դիպուածում այդ խտրութիւնը աւելի է ծանրանում մեր սրտի վերայ հայր Ալիշանի վերաբերմամբ, որ ամենալաւ հայերից մինն է եղել և որ, իւր ամբողջ կեանքը նուիրելով հայրենագիտութեան, ազգային յիշատակարանների մէջ նախանձելի տեղ է գրաւել, Եթէ հայոց Եկեղեցին հրապարակաւ աղօթք

Այսպէս ահա մենք, որչափ ներում էր մեզ տեղը ու շափը, հարեանցի պարզեցինք այն ուղղութիւնը, որ կրօնի սպասաւորի մէջ խոր արմատ է արձակել մասամբ ժամանակի ներգործութեան պատճառով և մասամբ, որ էական ու զլխաւորն է, մեր ծամաճուռ դպրոցական սիստեմի շնորհիւ, ուր ամեն կրօնուսոյց աշխատում է ոչ թէ ընդհանուր մարդասիրական ու քրիստոնէական սկզբունք հաղորդել իւր աշակերտին, այլ տեղական աւանդական մնացորդներ, որով և խախտվում է կրօնի մեծութիւնը ու հղբայրական միութիւնը: Այդպիսի հանդամանքում խիստ տարակուսելի է,

է անում բոլոր քրիստոնեայ ազգերի համար, դրա սպասաւորը ինչ իրաւունք ունի հակառակը գործել? Միթէ այդ պատիւ ու պարծանք է բերում մեր Եկեղեցուն? Ոչ թէ հարկաւոր է միայն հոգեհանգիստ կատարել օտարի վերայ, այլև, եթէ հանդամանքն է պահանջում, հաղորդել և թաղել, միայն առանց բռնարարելու դրա խղճի ազատութիւնը, որ մի տգեղ բարբարոսական սովորութիւն է. Եւ ամեն անգամ այդպիսի դէպքերում պէտք է բաց թողնել այն բոլորը, որ մարդկային ձեռքի գործ է և միայն հետեւել տնօրինող սիրոյ պատուէրներին, որ աւանդել է մեզ քրիստոնէութեան Աստուածեղէն չիմնադիրը. — Աւելորդ է այստեղ մատնացոյց լինել ուրիշների վերայ, որովհետև ուրիշների արարմունք էլ հակաքրիստոնէական է, ինչպէս և մերը,

որ հողևորականը հարստահարուած ազգերին
փրկարար հանդիսանայ:

Ինչ անենք, որ փոքր ազգերը չհալուեն ժա-
մանակիս լայնափոր ու լայնարերան քուրայի
մէջ?

ԳԼ. ՎՄԻ.

Չենք կարծում, որ մեր ընթերցողների մէջ
գտնուի մի մարդ, որ կարողանար սկսել մեր
դէմ դրաւոր կամ բանաւոր մենամարտութիւն
և պաշտպանել վերը նկարած մոլեռանդներին,
որոնք քաղցած օտարազաւան երեխաներին հա-
ցի տեղ քար են առաջարկում: Եթէ այդպիսի
մարդիկ գտնուեն, թող իմանան, որ մենք
միշտ հեռացել ենք կրօնական հարցերից, եթէ
դրանք հակառակ չեն եղել մարդկային բարոյա-
կանութեան և ազգային տեսակէտից, — հայ
ազգի ընդհանուր շահերին, որ բոլորիս համար
նուիրական ու կենսական խնդիր պիտի լինի:
Մենք միշտ ասել ենք, որ դաւանական խտրու-
թիւնը պիտի վերջանայ այնտեղ, ուր սկսվում
է հասարակաց միութեան գաղափարը: Ասա-
ցէք, մենք ի՞նչպէս լռենք, երբ այլադաւան,
միսիօնարները հաւաքում են հայ երեխաներին
իրր թէ դաստիարակելու նպատակով, բայց
խկապէս օտարացնելու ոչ միայն իրանց եկե-

ղեցուց, այլ և մայրենի լեզուից, որ նշանակում է մահաթոյն սրսկել նրանց երակներն մէջ: Երբ որ մենք բողոքում ենք այդ ամենաչար միջոցներն զէմ, մեր այլադաւան հայրենակիցները, փոխանակ մեզ պաշտպանելու, կրօնական եռանդով խմորուած, մեր զէմ են բողոքում, մոռանալով այն տարրական ճշմարտութիւնը, որ այդպիսի զէպքում, գերակշիւր ազգութեան կողմն է և ոչ թէ կրօնի, այսինքն բոլոր հայերը առաջ պէտք է պաշտեն իրանց հայութիւնը և յետոյ գուանութիւնը: Այս պատճառով եթէ այդ գուանութիւնը իմ ազգութիւնը կաշառէր ու հեռացնէր իմ լեզուից, ապա ես պատրաստ էի հրաժարուել նրա բոլոր խոստացած երանութիւններից! Այս տեսակ մտքեր ծագեցին մեր մէջ յետագայ հանգամանքից:

Սրանից երկու տարի առաջ լոյս տեսաւ մեր աշխատութիւնը «Յիշողութիւններ Վարդանանց տօնի առիթով», որ ուրիշ նիւթերի հետ պարունակում է և հետեւելը.

ա) Տարմետանի անասուած վերաբերմունքը զէպի սովատանջ հայ կրեխաները.

բ) Հոովմայ Պապերի ձգտումները հայերին հայութիւնից հեռացնելու, մանուանդ Ռուբենեանց շրջանում.

գ) Ակնարկ ինկուիզիցիայի կամ հաւատաքրնութեան մասին.

դ) Քրիստոնեայ տղզերի յարուցած հալածանքը կապաշաների և միմեանց դէմ, որ այսօր էլ շարունակվում է:

Այս բոլորը «Նանգէս Ամսօրեայ» հրատարակութեան թղթակիցը (հ. Գ. Գար ստորագով. 1971 թ. 8 Օգոստ.) մի ժահրոտ և ժանգոտ տրամադրութեամբ ընդունեց, օտից մինչև զլուխը զինւորուելով մեր դէմ: Նա իւր խարդախած ապացոյցներէ հիման վերայ հաստատում է, որ մենք «ուղիղը դիտմամբ կ'ճամաճունք» կամ «խորին տգիտութեամբ կ'թարթափինք», իսկ «Ընդհանուր Պատմութիւնը» մեզ համար ստուգիւ terra incognita մըն է» և այլն:

Շատ կարելի է, պատուելի հայր, որ այդ բոլորը այդպէս լինի. հակառակել Ձեզ բոլոր կէտերով ասել է իղուր մաղի մէջ ջուր արծել: Բայց և այնպէս մենք մեր տգիտութեամբ էլի մի բան օւսել ենք նոյն Ընդհանուր Պատմութիւնից, որ ինկուիղիցիան իւր բոլոր շարմեաաններով ու պաշտպանողներով միասին մարդկութեան միշտ հրէշներ են ընծայել, որոնց ձեռները կապել պիտի և ոչ արձակել: Մենք մտածում ենք, որ ժամանակով վերջին կօօն կ'ընտելանայ քաղաքակրթող լոյսին, միայն չեն կարող ընտելանալ Ձեզ պէս աստուածարանները, որոնց աստուածարանութիւնը, անկեղծօրէն ասենք, բացասումն է նոյն աստուածու-

Թեան, որովհետեւ իրանց կրօնական յանցանքները միշտ աստուածային յատկութիւններին են վերագրում: Միայն մի օրինակ բերեմ Ձեզ համոզելու համար, եթէ միայն ընդունակ էք համոզուելու: Աստուածային յատկութիւնը ասում է. «Թոյլ քո՛ւմ հանկարձեց զաւառ էս եւ մի արգելելո՛ւմ զդո՞ւս, զի այդպիսեաց է արտայնութիւնն Աստուծոյ: . . . Եւ առեալ զնոսս 'ի գիրտն յետն էդ 'ի վերայ եւ օրհնեաց»: Իսկ Յիսուսի սպասաւորը, աստուածարան Շարմետան, սովամահ հայ երեխաների մասին ասում է, որ այդ Աստուծոյ պատուհասն է յատուկ այն պատճառով, որ դրանք չեն ընդունիլ կաթօլիկութիւնն! Ինչ էք կարծում, «Նանդէսի» աշխատակիցը ոչ թէ զգլում է այս խօսքերից, այլ ընդհակառակն, նա, դաւանացաւից զըրդուած, դեռ քաջալերում է այդ որսորդ հերոսներին, ասելով. «Նաւատոց քարոզչաց որսորդ ըլլալուն մենք չենք զարմանար, վասն զի այն իսկ է իրենց կոչումը «զի 'ի ծովէ աշխարհի որսայցեն զըանականքս ի կեանս»¹⁾ Բայց մեր

¹⁾ Նա, իրաւի, այս խօսքերը ուղղակի չի վերաբերում հ. Շարմետաններին, այլ առհասարակ քրիստոնէութեան քարոզիչներին գերին. բայց այդ բոլորը մէկ է. դրանց մէջ բազմերանգ Շարմետաններ էլ կան, որոնց արարմունքի մասին ծպիտէլ չի հանում!

խօսքը հօ գրուածներէ մասին չէ, այլ զրանց գործադրութեան մասին է: — Գրուած է. «Մէ «—» վէպէր». բայց ահա դուք անդադար սուտ վկայութիւններ էք աալիս մեր «Յիշողութիւններէ» վերաբերմամբ և, որ աւելի զատապարտելի է, եզուիտական միջոցներէ էք զիմում, ասելով. «Սուաջիկայ զիրքս զխանական տեսակեալ առեալ ամենեկին յարդ չունենալէ զատ, կըրնայ շատ զիւրաւ միամիտ ընթերցողաց ընդ «—» հոլար զազափարներով պղտորել»:

Կասկած չկայ, որ «Նանդէսի» աշխատակիցը այժմ էլ այս մեր «Մի քանի խօսք իմ ընթերցողներին» կարդալով, կուզարկէ մեզ իւր երկրորդ անաթէման: Փոյթ չէ. մենք արդէն փոխարէնը առաջուց յետ առինք նրան բարգուած տոկոսներով, ինչպէս պարտապանը իւր պարտատիրոջ:

Ինչ անենք, որ փոքր ազգերը չհալուեն ժամանակիս լայնափոր ու լայնաբերան քուրայի մէջ!

ԳԼ. XVIII.

Մեզ մատնացոյց են անում վերածող սերունդի վերայ, որը, ասում են, կենդանի կեանքի արձագանք լինելով, զիտէ յարմարուել նրա

մշտափոփոխ պայմանների հետ. դիտէ հետեւել
դիտական նորանոր դիւտերին և ոչ թէ հին
ուսուցչի պէս քարանալ մեռած դասաղբերի
շեղջի մէջ: Նա այս և այն վերայական կամ
փիլիսոփայական սկզբունքը չի տանում դէպի
անհասանելի երկինք, այլ աշխատում է երկրա-
յին հիւթերով էլ կենդանացնել ու ընդհա-
նրացնել դրանց, որ պիտանի լինի բոլորիս հա-
մար: Այսպէս, ասում են, նոր սերունդը, հին
սերունդի նախապաշարմունքներից ազատ լինե-
նելով, զեղեցկաժաւալ գիտի նման մտնում է
ամեն տեղ և, առաջուայ թումբերը աւերելով, մի
նոր հիմք է ձգում դալոց քաղաքակրթութեան:
Այդ հայեացքը միանգամայն ուղիղ է, եթէ նոր
սերունդը չենթարկուէր ընտանեկան, հասարա-
կական և դպրոցական արկածներին. եթէ միայն,
ասում ենք, նրա Ֆիդիկական ու բարոյական
կարողութիւնները ստանային համապատասխան
անունդ ու զարգացում: Յայտնի է, որ մեր
դպրոցները չեն աւանդում աշակերտին այն, որ
զարգացնէր նրա մէջ և զեղարուեստական ճա-
շակ և աշխատաւորի յատկութիւն կեանքի
բոլոր խաւերի համար: Մեր դպրոցը, հետեւե-
լով արիստոկրատական կամ արիստոտէլեան
դասընթացի հղանակին, այսպէս ասել, բոլոր ա-
շակերտների մէջ կամենում է տեսնել տաղանդի
կոչում, զեղարուեստի շնորհ, պերճախօսութեան

թախչք, մոռանալով, որ զրանց կարող են ըն-
 դունակ լինել մի քանի ընտրեալներ և անըն-
 դունակ ահազին մեծամասնութիւնը: Եթէ Ա-
 ռիստոտէլը օրինադրել է ուսուցանելու այն, որ
 զարգարում է մեր կեանքը, որպիսի են խմս-
 տասիրական — զեղարուեստական առարկաները
 առհասարակ, այդ մասամբ հասկանալի է, որով-
 հետև հին աշխարհը յանձինս Յոյների ներկա-
 յացնում էր «արուեստանոց», իսկ նոր աշ-
 խարհը զրա կողքին դնում է և իւր «արհես-
 տանոցը»: Հին աշխարհը հրաշքների աշխարհ
 էր, որ ամեն բան վերագրելով աստուածների
 ներգործութեան, աշխատում էր կալանաւորել
 հողածին մարդու միւս կարողութիւնները: Նոր
 աշխարհը, միայն աստուածայինը երկնքին տա-
 լով, բոլորն էլ կապում է երկրի հետ և ջանք
 դնում ազատ ընթացք տալ պէսպէս մարդկա-
 յին ընդունակութիւններին: Այսպէս է առաջ
 գնում կեանքը, բայց դպրոցը գեռ չի ուղում
 իւր աւանդական դիրքից հրաժարուել, իսկ ու-
 սանողները, կենդանի սնունդ չգտնելով, սկսում
 են ցամաքել և կեանքի թումբերի մէջ էտած
 արգառի պէս կիտուել: Բացի սրանից նրանք
 այդտեղ պատահում են այնպիսի սոցիալական
 խտրութիւնների, որոնք համապատասխան չեն
 դպրոցական բարոյախօսութեան, որ խոստացել
 էր այն ուսանողներին անձնական արժանաւորու-

Թեան վարձատրութիւն առանց զանազանելու ազգ, կրօն, զաստիարակներէ արածնութիւններ: Այդ պրակտիկական անօրմալ պայմաններէ շնորհիւ երկուստարգութիւնը ընկնում է ծայրայեղութիւնների մէջ, որոնցով նա մտածում է նոր զարագութիւն կազմել մարդկութեան: Այդ ծայրայեղութիւններից մինն էլ է «Տեպոլիտիկ» է, որ մասին մտազիր եւ մի փոքր խօսել:

Նախ և առաջ մի քանի խօսք իմ երկուստարգ լսողներին: Այստեղ ևս ինչպէս մի փոքր բան ուսած, մի փոքր էլ վարժուած մարդ, ներում եւ ինձ սիրողարար ուղեկցել ձեզ: Ես գիտեմ, որ մենք չենք սիրում բառ «խորհուրդ» կամ «առաջարկութիւն». մենք զրոյներս առհասարակ սիրում ենք առանձնացած ապրել և առանձնացած գրել: Գրական մտերմութիւն կամ համերաշխութիւն մեր մէջ չի երևում, երևածն էլ շատ անգամ միայն վարագոյր է և գիմակ: Այդ զրութիւնը աւելի վատ կերպարանք է ստանում, երբ շատերս էլ առանց սովորելու իսկոյն սկսում ենք սովորցնել հռչակի ծառայից, չկարծելով, որ սովորելը նոյնչափ ևս դժուար է, որչափ և սովորցնելը. ուրեմն եթէ ասն առաջին յարկը խախտու է, ինչ պիտի լինին երկրորդը և երրորդը? Այս պատճառով մենք շատ ինքնահաւան ենք, որ կարողանանք բարեկամական խորհուրդներից օգուտ քաղել: Բայց այդ-

պիտի վերաբերմունքը ներելի է այն մարդկանց, որոնք, աշխարհային մեծութիւններով յղիացած, իրանց կեանքում մի հաս կուռք են պաշտում և այդ մի հաս հաւանած կուռքը իրանք են ! Մտաւոր կեանքում, զրականութեան մեջ, միանգամայն ինքնահաւան լինել զովելի բան չէ : Ահա թէ ինչու խոնարհարար կ'ինդրէի, որ եթէ ասածներս չընդունէք, զոնէ ինձանկոյ չզժուարանաք :

Յայտնի բան է, որ երիտասարդութիւնը չի կարելի չսիրել, և մենք նրա առաջին սիրահարն ենք. բայց ճշմարտութիւնն էլ չի կարելի չըսիրել, այսինքն որ երիտասարդութեան մի մասը մեր մեջ ևս տարօրինակ դիրք է բռնել այսօր, որ չի տանում դէպի առաջադիմութիւն : Նա, անկայիւն ու անհաստատ աստղի պէս թափառելով ատիկերքի շուրջը, ասում է, որ ազգայնութիւն քարոզելը փնաս է բերում մարդկութեան բարոյական մեծութեան և ատելութիւն շարժում ազգերի մեջ. պէտք է կօսմօպօլիտ լինել սօցիալական շարիքների առաջը առնելու համար :

Ազնիւ պարոններ, իհարկէ, որ ոչ ոք չի կարող նախապճռել, թէ մարդկութիւնը ապագայում ինչ կէտի վերայ կ'կանգնի, բայց ես էլ համաձայն եմ, որ ազգայնութիւնը, մի տեսակ ինքնախնկարկութիւն հասկացուելով, շատ ան-

զամ ազգերը իրար է տալիս և արիւն երկաթով միմեանց ջնջում: Բայց սրա մեղքը հօ ազգայնութիւնը չէ, այլ այն ատելութեան սերմը, որ ցանում են մեր սրտում ընտանիքը, դպրոցը ու հասարակութիւնը: Դուք կարծում էք, որ կթէ պոկ դաք ձեր արմատից, ատելութիւնը կ'վերջանայ?

— Դոնէ այդպէս են կարծում եւրոպացի առաջաւոր մարդիկ, որ այն ժամանակ նեղահայեաց վերաբերմունք չի լինիլ ազգերի մէջ:

— Ես ինձ թոյլ եմ տալիս կարծել, որ դուք այդտեղ էլ սխալվում էք. երեւի, կամենում էք ասել, որ այն կրթուած մարդիկը, ուսումնասիրելով բոլոր գիտութիւնների հանդէսը, ազգերի անցածն ու ներկան, ամենից յետոյ զալիս են այն եղբակացութեան, որ ազգային անձնապաշտութիւնը կամ երեւակայած մեծութիւնը տգիտութեան նշան է ու հիտեանք մեր անկանոն կրթութեան: Ուրիժն դպրոցից պէտք է դուրս քշել մեր մտածողութեան սքոլաստիկական եղանակը, ուր ամեն ազգ, իւրը կատարեալ համարիլով, բոլորն էլ միասին մնում են անկատար: Պէտք է բնական երեւոյթների պատճառները իմաստասիրել, առողջ գիտութեան ենթարկել կեանքի ցանցապատ մանրանկարը և ժողովուրդը խլել պեղանտ ուսուցիչների և

մանաւանդ ամեն տեսակ կախարհների ձեռքից, որոնք յիմար և անմիտ զուշակութիւններով զիտեն միայն մոլորեցնել նրան: Այն ժամանակ բոլորն էլ թէ քիչ թէ շատ կըրթուած լինելով, կ'կարողանան փոխադարձաբար յարգել միմեանց, որովհետև անկիրթը զիտակցաբար չզիտէ յարգել ոչ իրան և ոչ ուրիշին, բայց բախտաւոր ծնուածներէից, որոնք իրնէ սիրելի բարք ունին ու անձնայարգութեան զգայմունք: Բայց պէտք է խոստովանել, որ ինչքան էլ ազգերը կրթուեն ու դաստիարակուեն, այնու ամենայնիւ անկարելի է ազգային ինքնասիրութիւնից հրաժարուել: Այդ նպատակին հասնելու համար հարկաւոր կ'լինէր մարդկային կազմուածը կիրքերի պրօյէսից ազատել, որ մի անհնարին բան է: Քանի որ երկիրը զոյութիւն ունի, հողեղէն մարդու կիրքերն էլ զոյութիւն կունենան. բայց օգուտ էլ չէր լինիլ եթէ աջողուէր անգամ մեր կիրքերը ջնջել, որովհետև այն ժամանակ մարդկութիւնը կ'դառնար մի խզած ներքինի, անընդունակ հոգեկան թրոխէքների ու քաջագործութեան: Յամենայն դէպս ազգային զիտակից ու լուսաւոր ինքնասիրութիւնը չէր կարող այնքան էլ մեծ չարիքներ բերել մարդկութեան զլխին և կ'մեղմացնէր միջազգային յարաբերութիւնները:

Աղնիւ երիտասարդներ, ես մտածում եմ, որ

այդ կօսմօսօլիտիզմը կատարեալ եղջերուա-
 քաղութիւն է: Վերջապէս այն առաջընթաց
 մարդկանցից ոչ ոք չի պնդում, որ ազգերի մէջ
 ընդհանուր համերաշխութիւն քարոզելը նը-
 շանակէր ազգային զաղափարից հրաժարուել
 և, այսպէս ասել, չքանալ ընդհանուրի մէջ:
 Ուրեմն ինչ հարկաւորութիւն կայ, ձեր ազգի
 ցաւերը մոռացած, այդ հեռաւոր խնդիրներով
 զբաղուել և քաղաքակրթուած ազգերից առաջ
 ընկնել, քանի որ նրանք էլ մեծ ու փոքրով
 հոգս են տանում նոյն ազգային պիտոյքների
 համար: Բայց այս յայտնի լինի ձեզ. քանի որ
 դուք կ' թարթափուէք կօսմօսօլիտիզմի երանու-
 թեամբ, ձեր երանելի ազգը արդէն հայր Արար-
 համու զօղումը կ' լինի! Թոյլ տուէք ինձ, մի
 հարց էլ ձեզ առաջարկեմ. կօսմօսօլիտիզմը
 հակառակ է ազգային լեզուին ու զրականու-
 թեան?

— Թէպէտ շատերը այդպէս են մտածում,
 բայց մենք ո՛չ:

— Ուրեմն ուսումնասիրել էք ձեր լեզուն ու
 զրականութիւնը?

— Դեռ ոչ, որովհետեւ հայրենագիտութեան ա-
 ռարկան մեզ համար մի անժանօթ աշխարհ է,
 մենք ոչ ընտանիքի մէջ ենք լսել զրա մասին
 և ոչ էլ զպրօցներում, ուր հայերէնը մի ար-
 զելուած ապրանք է համարվում: Անկասկած,

եթէ մայրենի լեզուի սէրը մեր սրտի վերայ էլ պատուաստած լինէր, մենք ևս զործիչ կ'լինէինք:

— Ափսոս. բայց եթէ գիտակցարար էք խօսում, դուք այդ սէրը կարող էք ձեռք բերել ինքնաշխատութեամբ. չէ որ ինքնաշխատութիւնը ձեր հասակում մի հրաշագործ տարր է, մի ամենարդիւ գեղ. որ կարելի է գործ դնել ամեն բարոյական հիւանդութեան դէմ և փրկութիւն գտնել?

— Մենք համոզվում ենք, որ ձեր ասածը լուրջ դատողութիւն է. մենք էլ ազնիւ խօսք ենք տալիս, որ այսուհետե կ'պարապինք զրականութեամբ, յետոյ և կաջակցենք նրան:

— Շատ ուրախ եմ. ցանկանում եմ աջողութեամբ սեպհականել ձեր լեզուի գանձերը և ձեր սիրելի ազգը լուսաւորել և առաջ տանել: Դուք ահա տեսնում էք, որ հին գործիչներից շատերը արդէն գնացել են, իսկ մնացածների ուղեղը թուլացել ու մարմինը կակղել. նրանք ձեր ժամանակովն էլ չեն կարող ոգևորուել, որովհետեւ ձեր ժամանակի հետ չեն. հարկաւոր են նոր բողբոջներ: Ձեզ յայտնի է, որ մեր զրականութեան մէջ տիրում է զարմանալի միակերպութիւն, մենք սիրում ենք զրել կրկնութիւններով. հարկաւոր է արարող զօրութիւն, կրթուած երեւակայութիւն, որ կարողանան նոր հոսանք տալ

անհատի մտքին և հեռու պահել հեռևողական սովորութիւնից: Բայց, ներհեղէք, կարծեմ, նոր սերունդից շատերն էլ մեզ հետ միասին թառամում են. նրանք, կեանքի շեմքը կոխելով, ոչ թէ գործում են, ինչպէս հաւատացնում էին, գաղափարների յաղթանակի համար, այլ միայն իրանց գրպանը հաստացնելու: Պատճառ այն է, որ նրանց դաւանանքը եկովի է. արևի շողքի պէս փոփոխական, ինչպէս հայաստանցին է ասում. «Ըստեղ պո-պո-ղ, ըստեղ պո-պո-ղ — երբեք! — Ինչ կասէք?»

— Այդ մասամբ ուղիղ է. բայց ազգի մէջ շատ խաւարային խորշեր կան. արգելք են լինում երիտասարդ գործիչներին. հաց ու ջուր չեն տալիս. բայց և այնպէս մեր խիղճը թելադրում է մեզ ծառայել գեղարուեստին ու զրականութեան:

— Քաղցր է լսել, երբ մի երիտասարդ խօսում է մարգարէի ոգևորութեամբ. խոստանում է ծառայել հասարակաց շահերին. բայց աւելի քաղցր, երբ նոյն երիտասարդը, աշխարհ մըտնելով, գործում է այնպէս, ինչպէս խօսում էր: Այն ժամանակ բերէք ձեր բուրաստանը և ծաղիկներով զարդարեցէք զրա անկաշառ ճակատը! Եթէ այդպէս էլ չլինի, մի վհատիր, ազնիւ երիտասարդ: Թէ քո ազգը անկատար է, դու եղիր կատարեալ, միայն կատարելութեամբ:

Հսպարտանաս և սովորական հռչակից չլինաս, որովհետև զրականութիւնը սրբազործութիւն է և փառք ու պատիւ պարապողին! Այս այսպէս լինելով, պէտք է, որ պարապողն էլ փառք ու պատիւ բերէ նրան. հետեւաբար հեղինակը, ինչպէս մի քուրմ պաշտօնեայ, պէտք է երկիւղածութեամբ պատրաստուի և մատուցանէ իւր զրական խորհրդաւոր ողջակէզը: Ամեն շարադրութիւն պէտք է ներկայացնէ մի աւարտած շինուած, որի մասերը պիտի ունենան ներդաշնակ առնչութիւն դէպի ամբողջը, իսկ լեզուն, որ լաւ գրութեան զլխաւոր պայմաններից մինն է, պիտի բարեխղճութեամբ մշակել, քերել, տաշել և հասցնել ազնիւ քարի գեղեցկութեան: Սրա համար հարկաւոր չէ շտապել ինչպէս, «Ով չուշտ, նա կուշտ», որ այս դէպքում միշտ քաղցած կ'մնայ. հարկաւոր չի մի քանի տողեր չանդռել թղթի վերայ և յանձնել տպարանին կիսակատար գործը. պիտի երկար ու բարակ մշակել, մի անգամ զրածը մի քանի անգամ ջնջել և նորից զրել: Եթէ աչքերդ մթնում են և միտքդ շողվում, իզուր ես ճակատդ տրորում. թող գործդ և սպասիր, մինչև որ ինքը ոգևորութիւնը թելադրէ քեզ. — և այն ժամանակ ձեր զրչից, ինչպէս մի առատաջուր գետաբերանից, կ'թափուեն նազուկ և շարմաղ տողեր, մտքեր ու մտապասակերներ: Պէտք

է գրել ինչ որ մարգս կարող է և ոչ թէ ինչ որ ուզում է:

Թէ հրապարակախօսութեան մէջ և թէ գիտական ասպարէզներում առհասարակ ձեր տողերը ու մտքերը շարեցէք այնպէս, ինչպէս պատերազմից առաջ հմուտ զօրավարն է շարում իւր զինւորներին և, ամեն կողմից լաւ պատրաստուելով և միաբան յարձակուելով, տանում է փառաւոր յաղթութիւն: Եթէ բերած օրինակիս չէք հաւանում, եղէք ինչպէս հրաժշտապետ, որ մահանը ձեռին զեկափարելով, քաղցրացնում է ձեր լսելիքը աստուածեղէն նուագածութեամբ! Ամեն հեղինակի զրուածն էլ այնպէս պիտի լինի, որ ամենատես Արզուս — կրիտիկոսը, անաչառ քրքրելով այն, բոլոր մասերով անխոցելի գտնի և ոչ թէ ընկուզի պէս ջարդի և ողջ անդ չթողնի նրա մէջ!

Նոր սերունդ! չմոռանաք ձեր զիւղին էլ ակը տալ, նրա գութանին, նրա նիստ ու կացին, ուր զրած է ժողովրդական ոյժերի մահանը, թէև ինչպէս հում ապրանք, բայց մշակուելով զրական քուրայի մէջ, ստանում են հրաշալի զործադրութիւն: Այսպէս էլ մետալեղէնների կոյտերը, քանի որ ծածկուած են հողի տակ, ոչ ոքի օգուտ չեն բերում, բայց յանձնուելով զործարանին և այնտեղ կազմակերպուելով, շարժում են բոլոր օրեղբրքը ար-

զիւնարեր զարձուածներով: Բայց զիւղական
կեանքի մասին խօսելով, չենք ասում, որ զուք
միանաք նրա տափակութեան հետ, այլ որ տանէք
հասցնէք այն կեանքը կուլտուրական բարձրու-
թեան:

Նոր սերունդ! չմոռանաք հայրենի սրբավայ-
րին էլ աղբ տալ, թէև աւերակ: — Գեղեցիկ է
ասում Գ.Ս.Ս Բանաստեղծը.—

«Սմայի տաճարն՝ էլի տաճար է,

«Կործանուած բազին՝ էլի բազին!»¹⁾—

Սյնտեղ են զրած ազգային բարերարների ու
գործիչների նշխարքը և այսօր ձեր կուրծքի մէջ
կարող են կենդանի շունչ փչել, — այն, որ չէ
կարող տալ ձեզ ոչ մի փիլիսոփայական զի-
տութիւն: Սյն աւերակները և այն նշխարքը,
մեր դժբախտ անցածի վկայ լինելով, սերտ կը-
կապեն ձեզ հայրենի յիշատակարանների հետ
և թող չեն տալ, որ մեր մէջ տարրանայ մի
մեռելատիպ անտարբերութիւն զէպի հարազատ
գրականութիւնը: Վերջապէս զուք այդ աւերակ-
ների արձանադրութիւններից կիմանաք, որ մեր
աշխարհը, հին ազգերի մի յայտնի մասի միջա-
սահման լինելով, ամփոփում է իւր մէջ թանգա-

1) ... Храмъ оставленный — все храмъ,
Кумиръ поверженный — все богъ.

(Лермонтовъ).

զին հնախօսական մնացորդներ, որոնք մի կողմից ցոյց կ'տան ձեզ այն մարդկային ցեղերի խլրտումները և միւս կողմից՝ թէ ինչպէս ձեր պապերը հասել են այնտեղ և ազգով նստել: Միայն վայրենի ազգերին և բոշաներին յատուկ է կապր կտրել անցածից և առօրեայ կեանքով բաւականանալ!

Լուսարանելով անցածը, դուք զլիաւորաբար պիտի գործէք ներկայի համար, որովհետև այժմեան քաղաքաշինութեան սնունդ տուողը ներկան է: Բազմակողմանի և ծանրակշիռ հայեացքով պէտք է վերաբերուէք դէպի հասարակաց իրերի և երևոյթիւնների պատճառները: Եթէ ձեր զործողութեան ճանապարհին պատահէք կրքոտ կարծիքների կամ յարձակումների, լաւ է ուշ չդարձնել: Բայց եթէ ձեր լուծիւնը նոր ոյժ է տալիս այն անարժան յարձակումներին, չեմ ասում, որ միշտ էլ սպունդի կամ լաթի պէս կակուղ մնաք. երբեմն էլ հարկաւոր է փակել ամբարտաւան բերանը և վերջ դնել նրա արշաւանքին: Յամենայն դէպս գործեցէք առանց որոտալու. հօ մեծ պարծանք չէ դարիդուսից դարիվայր զլղոններ թօլ անել և ահագին զզրոցոյններ հանել:

Ահա թէ ինչքան ծանր հարցեր են զրած ձեր առաջև, ձեր տողանդի ու աղնիւ յատկութիւնների առաջև, որ պէտք է լուծանէք:

Միայն սէր է պահանջվում զէպի ազգը, և զլիսաւորը՝ ջերմ սէր աշխատելու, որովհետեւ աշխատութիւնը բարոյապէս և նիւթապէս սոված չի մեռնիլ. նրա ձեռները տոկուն են, կամքը երկաթի, միտքը դալար ու պողարեր, եթէ կամենում էք, երբեմն տաղանդից էլ զերազանց, որ շատ անգամ երես առած երեսի պէս անփոյթ է, այլև ծոյլ դործելու և ստեղծագործելու: Եւ, հաւատացէք, որ ամեն զժուարութեան կյաղթէք!

Այս զլուխն էլ վերջացաւ, ոչ պեսիմիզմից և ոչ էլ օպտիմիզմից յափշտակուելով. բայց և այնպէս մենք մտածում ենք, որ եթէ այսօր մեր թարմ ծաղիկը զլուխը կախ է ձգել, սակայն դեռ առողջ արմատներ ունի հողի մէջ. էգուց կարող է զուարթանալ և արդիւնք բերել:— Այս պատճառով ողորմելի է այն հասարակութիւնը, որ իւր երիտասարդ սերնդից ձեռք է քաշում, մոռանալով, որ եթէ ծառի բողբոջները անխնամ կտրատուեն, ինքը ծառն էլ երկար չի կարող զիմանալ: Հասարակութիւնը, որ այդ սերնդի մէջ մեղքեր է նկատում, այնուամենայնիւ ոչ մի իրաւունք չունի օգնելուց փախչելու, որովհետեւ զրա մեղքերը մեր մեղքերն են, մեր ընտանեկան և զպրօցական մեղքերը: Ուրեմն հրաժարուել մանուկ

սերնդից նոյն է թէ մահադեղ ընդունել և մանեկ գերեզման!

Ինչ անենք, որ փոքր ազգերը չհալուեն ժամանակիս լայնափոր և լայնաբերան քուրայի մէջ?

Ք. ԻՃ.

Բոլոր անցած զլուսններից տեսանք, որ շատ փոքր բաւարար միջոցներ կան մեզ հետաքրքրող խնդրի համար: Բայց ահա նպաստաւոր են երևում Ֆիլանտրոպիական և հնախօսական ընկերութիւնները: Իրաւի, Ֆիլանտրոպիան, որին օտար են ազգային խարութիւններ և որի նպատակն է աջակցել տառապեալ մարդկութեան, որեցոր լայն ծաւալ է տալիս իւր զեղեցիկ գործունէութեան և նոյնաչափ էլ զբաւում լուսաւոր հասարակութիւնների համակրանքը: Նա, յայտնի բան է, չի օգնում բախտաւոր մեծին, որ ամեն տեղ ապահով է, այլ միայն խեղճին, որի մարդկային արժանաւորութիւնը ոտնակոխ է արած: Այսպէս Ֆիլանտրոպիական շրջանները, միշտ զթութեան կայծերով վառուած, ձայն են տուել նոր Բեթղեհէմի կոտորածներին, որբերի խնամատարութեան և այն բոլոր աղէտներին, որ անպակաս են աշխարհի երեսից:

Նոյնպէս Հնախօսութիւնը, որի նպատակն է անհետացած ազգերը, այսպէս ասել, նորից կենդանացնել ու հօգի տակից և ժայռերի երեսից նրանց քաղաքակրթութեան լուսնակարը հանել, միթէ կարող է հանգիստ տեղը նստել, որ այժմ այն հազարաւոր դարեր ապրող ազգերին մեռցնեն ու թաղեն? Իհարկէ, որ այդ ընկերութիւնների, ինչպէս և բոլոր բարեկիրթ հասարակութիւնների թեարկութիւնը անհրաժեշտ է հինօրեայ ազգերին հովանաւորելու համար: Բայց ազգապահութեան ամենազօրաւոր և ամենահաստատ միջոցը էլի ինքը ազգը պիտի լինի: Եթէ այդ ազգը դեռ ընդունակ է ինքնագործունէութեան, ոչ մի հալածանք ու արգելք չեն կարող խորտակել նրա հօգին: Այն, եթէ ամեն մի ազգ, ինչպէս և ամեն մի անհատ, այնքան ջանք գործ դնէ իւր առաջադիմութեան համար, որքան էլ նա գործ է դնում նիւթական բարեկեցութեան համար, անտարակոյս է, որ ոչ մի երկրաւոր Բեհեդդերուդ կամ Բեւիար չի կարող արգելք լինել նրա ձգտումների յաղթանակին: Թող միայն այդ ազգը կենդանացնէ իւր յոժերը, ուսումնասիրէ իւր լեզուն ու զրականութիւնը, առանց որոնց անօգուտ է օտարի մասնակցութիւնը, ինչպէս էլ անօգուտ է բժշկի դեղը հիւանդին, եթէ սա շարունակում է իւր հին մեղքերը:—Եւ այս-

տեղ եկաւ նստեց զբշիս վերայ մի շարագուշակ ագռաւ, որովհետեւ այդ բոլորը վերաբերելով մեր ազգին, զրա վերաձող սերնդին և միւս դասակարգերին, տեսնում ենք, որ զրանց մէջ թոյլ է ազգային ինքնաձանաչութեան ոգին. մաւանդ երեխաների կրթութեան վերաբերմամբ, որ մեր բախտաւորութեան զլիսաւոր ազբիւրն է:

Քանի որ Եւրոպացիները ամեն օր զլուխ են ջարդում մայրենի լեզուի սէրը իրանց երեխաների մէջ զարդացնելու և փոխանորդաբար նըպաստելու ազգային առաջագիմութեան, մեր հայ ծնողները մի նոր մոխրաբոյս մանկավարժական սիստեմ են հնարել, որ իրանց զաւակներին սրտում մայրենի լեզուն մեռցնեն: — Նրանք ասում են. հայերէն խօսելու ու պարապելու համար, ամենեւին հարկաւոր չէ հայերէն խօսել ու պարապել, որովհետեւ այդ ինքը իրան էլ կ'զայ յեառջ. որպէս թէ առանց երեխայի հետ պարապելու, նա կարող է հայերէն խօսել ու զրել-կարգալ սովորել!¹⁾ — մի հանդամանք, որ

¹⁾ Պրուսաց կառավարութիւնը շատ անբաւական է, որ Պօզնանի Լեհացի կանայք պէսպէս հրապոյրներով Քերմանացի երիտասարդների խելքն են տանում և, մարդի գնալով, իրանց զաւակներին ազգային կրթութիւն են տալիս. Մենք մեր հայուհիներից այս չենք պահանջում, այլ որ իրանց երեխաներին հրապուրեն դէպի հայութիւն! Նոյնպէս բարի խորհուրդ ենք առաջարկում մեր երիտասարդներին, որ

սուր և երկար ասղի պէս ծակոտում է մեր ուղեղը: Ոչ, պէտք է հրաժարուիլ այդ անբնական եղանակից. մայրենի լեզուի առաջին ստեղծագործող դաստիարակը ծնողները պիտի լինեն և ոչ թէ զիտութեամբ կամ անզիտութեամբ օտարացնեն այդ լեզուն և թունաւորին ազգի ներկան ու ապագան: Անկասկած, մեր մէջ էլ կան լուսաւոր հայրեր ու մայրեր, բայց մեր խօսքը վերաբերվում է այն զարմանալի խելօք և կրթուած հայերին, որոնց մասին կարելի է ասել, որ ամենակարող Աստուած, ստեղծելով աշխարհ և մարդկութիւն, առաջ նրանց կանչեց և առաջին խելքն էլ նրանց տուաւ, որ ամենից առաջ իրանց լեզուն մոռանան և օտարանան! Ահա այս էր այն սև զուշակութիւնը, այն բախտի դատավճիռը, որ դրոշմած է այդտեսակ հայերի ճակատին: Չեզ եմ ասում, արթուն կացէք. ուր չկայ լեզու և զրականութիւն, մեռած կեանքի յարութիւն էլ չի կարող լինել!

Ասացէք, ինչ անենք, որ փոքր ազգերը չհալուեն ժամանակիս լայնափոր և լայնաբերան քուրայի մէջ?

զգուշանան զանազան « ուհիներից » ամուսնանալու նպատակով, մանաւանդ երբ այդ ամուսնութեան մէջ չի զգացվում փոխադարձ սիրոյ մրմունջ կամ կսկիծ, որովհետև սէրը առանց տանջելու ու տանջվելու սէր չէ, այլ առևտրական լոկ հաշիւ:

Ծանօթ. գլ. II, երև 13. «Զորոց ձանձրացուցանելին բազմածառայքն զանձառայիցն զգուրս, խրնդրելով հանապազ զմիս սյլ և այլ որսոց», Ղ. Փ., Այս նախադասութեան մէջ «բազմածառայք» բառը պէտք է վերագրել նոյն իսկ բազմածառայ իշխաններին կամ նախարարներին և ոչ թէ նրանց ծառաներին, ինչպէս վերը տպած է.

Ծանօթ. գլ. II, երև 14. «Վրաց Աշուշա թագաւորի հոգատարութեամբ», պէտք է կարդալ. «Վրաց Աշուշա բղեշի կամ իշխանի հոգատարութեամբ».



